



UNIVERSITÄTS-  
BIBLIOTHEK  
PADERBORN

# **Claudii Fleurii Abbatis Historia Ecclesiastica**

Ab Anno Christi 1000. Usque Ad Annum 1063

**Fleury, Claude**

**August. Vind. [u.a.], 1761**

**VD18 90117956**

§. 78. Ecclesia Franciæ.

---

[urn:nbn:de:hbz:466:1-66323](https://nbn-resolving.org/urn:nbn:de:hbz:466:1-66323)

Sæculum XI. nem eversum iri. Hortatur Episcopos,  
 A.C. 1052. ut hunc errorem excindant, suadeantque  
 Pontifici, ne reos innoxiosque eadem  
 c. 34. poena involvat. Refert, quæ Leo Papa  
 c. 35. in hac causa jam prius præceperat, &  
 Henricum Imperatorem laudat, quod sua  
 auctoritate ad Simoniam exterminan-  
 dam usus fuisset. Ceterum hoc Petri  
 c. 36. Damiani Opus dictum est Liber *gratissi-  
 mus*, quod nempe illis, quorum Ordina-  
 tio in dubium vocabatur, esset acceptis-  
 simus.

## §. LXXVIII.

*Ecclesia Franciæ.*

tom. 9. Conc. In Francia Jordano Episcopo Lemovi-  
 p. 1068. censi defuncto cum complures Cleri-  
 ci, virique nobiles Guilielmum Ducem  
 Aquitaniæ adiissent rogantes, ut ipsis  
 Episcopum daret, Is totius Aquitaniæ  
 Proceribus, Clericis, & Ecclesiæ Vacan-  
 tis Vasallis ad consilium adhibitis matu-  
 re deliberavit; tumque electus est Icte-  
 rius consentiente Duce, Ademaro Vice-  
 comite, omnibus Clericis populoque  
 quarta Januarii anno millesimo quinqu-  
 gesimo secundo, ex quo Henricus Rex  
 imperaret vigesimo secundo. Ordina-  
 tus est vero ab Episcopis præsentibus Ai-  
 mone Archiepiscopo Bituricensi, Renco-  
 ne Episcopo Claromontano, Gerardo Pe-  
 troco-

trocoricensi, consentientibus Episcopis Rutenensi, Albigeni, & Cadurcensi. Notandum, quod in his Actis Rex solummodo ibi, ubi dies apponitur, nominetur.

Sæculum XI.  
A. C. 1052.

Eodem anno Pontifex & Rex Franciæ fundatam Abbatiam Casæ Dei in Arvernica datis literis confirmarunt. Fundator erat Robertus, in illa regione natus, filius cujusdam Geraldii, qui ex Familia S. Geraldii Auriliacensis ortus credebatur. Robertus juvenis inter Canonicos Brivatenses S. Juliani educatus, cum in via virtutis strenue progredere-  
*vit. Sæc. 6.  
Ben. par. 2.  
p. 188.  
Sup. l. LIV.  
§. 22.*

Cuidam viro nobili, nomine Stephano, gravium scelerum reo, vere pœnitenti, & consilium a Roberto expetenti, suasit ille, ut mundum relinqueret, se  
 E e 2 ipsum

Sæculum XI. ipsum fugæ socium offerens. Hortatus  
A.C. 1052. etiam ut tertium comitem quæreretur, &  
 exiguum in deserto aliquo Ecclesiam, ubi  
 de labore manuum suarum & oleribus  
 obviis vitam sustentarent. Quin & Sa-  
 cellum, quod sibi exoptabat, sub Parochi  
 cura esse cupiebat, ne rei novitas cui-  
 quam conquerendi locum daret. Cum  
 que alius etiam ex illius regionis Opti-  
 matibus, nomine Dalmatius, pio fœde-  
 re se ipsis junxisset, & Robertus utrum-  
 que in proposito constantem cognovisset,  
 sedem sibi delegerunt apud Eccle-  
 siam desertam, quam Stephanus aliquan-  
 do Anicium Velaunorum iter faciens  
 notaverat, & unacum vicina eremo a  
 duobus Canonicis Aniciensibus, in quo-  
 rum ditioe sita erat, facile obtinue-  
 runt. Ærumnæ plurimæ novis hospiti-  
 bus in illis initiis tolerandæ fuere, tum  
 ob loci sterilitatem, tum ob inhumani-  
 tatem accolarum, eis insaniam expo-  
 brantium, quod nihil habentes huc ve-  
 nissent, ubi etiam comportata annona  
 famem satis depellere non potuissent.

Robertus duos hos Discipulos ad per-  
 severantiam excitabat, & illis manibus  
 suis operantibus ipse orationi & lectioni  
 vacabat, ut haberet, unde doctrinam  
 spirituales suggereret. Tandem impro-  
 bo

bo labore & patientia plana facta sunt <sup>Sæculum XI.</sup>  
omnia, vicinorum hominum ingenia <sup>A.C. 1052.</sup>  
mansuefacta, multique tam ex Clericis,  
quam ex Nobilibus ipsis juncti. Nempe  
miracula, quibus Robertus claresce-  
bat, magnam ei Discipulorum multitu-  
dinem conciliabant. Sed ipse hæc omnia  
SS. Martyrum Vitalis & Agricolæ meri-<sup>Monaste-</sup>  
tis, quos Patronos ea Ecclesia veneraba-<sup>rium Casa</sup>  
tur, tribuebat. Tandem maximus nu-<sup>Dei.</sup>  
merus tyronum sub ipsius Disciplina vi-  
vere & proficere cupientium invitum  
compulit, ut fundos & pecuniam sibi ad  
construendum monasterium oblatam ac-  
ciperet. Cœpit igitur in eodem loco  
ædificare Cænobium usus consilio Ren-  
conis Episcopi Claromontani, in cujus  
Diœcesi situs erat ille locus. Ceterum  
Robertus noster Mundo valedixit anno  
Salutis reparatæ millesimo quadagesimo  
tertio, & tribus ferme post annis novum  
monasterium condere cœpit, quod anno  
millesimo quinquagesimo secundo perfe-<sup>Mabill. ob-</sup>  
cit. Id enim discimus ex Bulla Leo-<sup>serv. ad vit.</sup>  
nis IX. Papæ secunda die Maji data, ex<sup>n. 8. Append.</sup>  
literis patentibus Henrici Regis Franciæ,<sup>ad Lup.</sup>  
vigesima Septembris datis, quibus com-<sup>Ferr. edit.</sup>  
plures Episcopi & Magnates, nempe Ay-<sup>Balu. p. 524.</sup>  
mo Archiepiscopus Bituricensis, Arnol-  
dus Turonensis, Agobertus Episcopus  
Aurelianensis, Helmuinus Augustodu-  
nensis,

Ee 3

Sæculum XI.

A.C. 1052.

nenfis, Menardus Archiepiscopus Seno-  
 nensis, Enzelinus Episcopus Parisiensis,  
 Guido Cabillonensis ad Ararim, subscri-  
 pserunt. Præcipui ex Optimatibus le-  
 guntur Odo Regis Frater, Robertus Dux  
 Burgundiæ, alter Regis Frater, Guiliel-  
 mus Dux Aquitaniæ, Guilielmus Dux  
 Normanniæ. Jam illo tempore hæc Ab-  
 batia, Casa Dei, appellabatur, cujus Ab-  
 bas primus Robertus noster ad trecentos  
 rexit Monachos. Ecclesias ferme quin-  
 quaginta jam diu collapsas erexit, & Ca-  
 sa Dei exinde Caput integri Ordinis seu  
 copiosæ Congregationis multorum Mo-  
 nasteriorum sub Regula S. Benedicti mi-  
 litantium evasit, unde complures viri il-  
 lustrissimi prodire. Obiit Robertus an-  
 no millesimo sexagesimo septimo decima  
 septima Aprilis, & Sanctorum numero ad-  
 scriptus colitur.

## §. LXXIX.

*Halinardi Archiepiscopi Lugdunensis  
 extrema.*

vit. Halin.

n. 8. Sæc. 6.

Ben. part. 2.

p. 39.

**H**alinardus Archiepiscopus Lugdunen-  
 sis a latere Leonis IX., ex quo is S.  
 Petri Cathedræ impositus fuerat, vix un-  
 quam discesserat, nam cum ceteris Gal-  
 liæ Episcopis ad Concilium Romanum,  
 quod Leo anno millesimo quadragesimo  
 pono, Pontificatus sui primo, celebra-  
 vit,